

欽定剿平三省邪匪方略

欽定剿平三省邪匪方略正編卷九十七

己未年

四月二十三日

辛亥

福寧奏言查額勒登保一路

官兵自剿滅張長更蕭占國冷添祿三股賊匪

後旋移得勝之師由梁山忠州萬縣雲陽一帶

追剿張子聰包正洪等逆

臣

因軍行迅速需糧

孔亟當卽嚴飭各州縣務須不分畛域四路協

力趲運用資兵食至德楞泰帶兵追剿徐添德

一股由奉節大寧進抵太平境內彼處跬步皆

山路尤險峻

臣

前已飛飭各縣速卽多募人夫

或分途探運或尾隨趕解並令於師行必經處
所擇其險要寨硯預貯糧石以備不時供支昨
准德楞泰來信賊匪總旋轉於開縣大寧太平
交界極險老山之中意欲疲我兵力絕我糧運
而隨營糧員亦移奉節大寧兩路續運軍米均

被賊匪擋住不能卽到又據開縣稟報由達州
撥解德楞泰軍營銀六萬兩於四月初六日行
抵開縣溫湯井地方因道路梗塞轉解回縣臣

聞信不勝焦灼查德楞泰一路官兵計日需用
糧餉較多今開縣一帶既有竄匪紛擾應改由
太平一路轉運隨飭太平縣添夫加倍運糧復
由達州局撥銀四萬兩按一百兩爲一封每封

川布包裹卽挑選壯健人夫四百名每名各攜銀一百兩並令各執刀矛探路送往雖據報太平之後河青花溪等處近亦有賊匪闌入然夫役衆多分帶餉銀翻山繞道均屬便捷可期直達軍營不至再有遲悞計算德楞泰軍營本年正二兩月已共撥過銀二十萬兩三月二十七日由達州續撥銀六萬兩四月初六日尙在開

縣存貯此次另由太平撥解銀四萬兩一經送到散給官兵亦足暫爲接濟竊計各州縣節次具報起運米石爲數不少是否抵營交收抑或途停積已疊飭總理同知陳遂暨署知府曹庠業嚴切確查並令委妥幹員弁星馳各路督催速將兵米上緊挽輸設法躡道趨送倘各州縣解送不力定卽據實嚴叅至川省年來各處

解運軍糧在途被失自數十石至百餘石不等
若不責令賠償易起虛捏之弊均經批飭各總
理司道核議着落承辦各員賠補現在已有全
行補解者三月間復據報由順慶撥解渠縣麥
船行至廣安渠縣交界之泥灘子地方適額勒
登保追剿之令添祿等匪衆竄來被其焚燒及
盤沉小麥共計九百餘石已一體嚴飭川北道

府上緊查明地界責令照數賠交至川省撥解
各軍營餉銀從無被賊搶奪之事奏入

上命軍機大臣傳諭勒保福寧曰德楞泰一路軍餉
上年七月內經英善等奏稱每月需銀九萬兩當
經諭令覆奏據稱伊所帶多係吉林黑龍江官兵
分例較綠營本多亦不過藉詞搪塞今伊一路軍
營正二兩月共撥過銀二十萬兩是每月竟至需

銀十萬兩更屬浮多卽云伊所帶多係吉林黑龍
江官兵豈額勒登保一路獨無此項兵丁乎况就
兵數而論莫多於勒保一路何以英善福寧從未
議及勒保額勒登保兩處需銀浩繁而於德楞泰
獨噴有煩言耶看來浮支濫用各路皆所不免而
德楞泰爲尤甚必有別項情節着勒保密行確查
德楞泰如有捏款冒領任意糜費卽行據實奏參

且額勒登保一路曾擒獲賊首蕭占國張長更冷
添祿三犯而德楞泰追剿徐添德一股迄未就擒
豈伊祇知坐糜軍餉稽延時日乎至所稱各州縣
節次具報起運米石爲數不少並著勒保通行飭
查毋任糧員等稍有朦混遲延倘有解送不力等
事卽當指名參奏又川省年來各處解運軍糧在
途被失自當責令委員等賠補以杜虛捏之弊至

擬解渠縣麥船中途猝被竄匪焚燒鑿沉者尙非
該處州縣之過何必令其照數賠交所有此項麥
石著加恩免其賠補

同日永保奏言

臣

自回陝境籌辦剿堵一面專

差迎催所調陝甘兵一千名趕緊趨行於初七

日到齊查明亮追剿張漢潮賊匪直向東趨開

其已入

臣

處八百餘里

臣

當卽整

理軍裝於初九日帶兵起程向東路五郎鎮安
一帶探聽前進以期夾擊途次接據鎮安縣稟
報張漢潮賊匪經明亮追剿忽分三股一股南
去兩股西奔已過五郎又據南鄭縣稟報張映
祥一股竄至徽縣勢欲東竄恒瑞現在帶兵迎
擊等語查張漢潮股匪在棧道之東張映祥在
棧道之西萬一棧東之賊直入棧西卽不會合

一處而恒瑞已前後受敵且川餉將次過境道

路更關緊要

臣

卽由洋縣覓路抄出賊前設法

先截已過五郎分股西竄之賊總不使其闖入

棧道賊必仍折東奔卽可乘勢與明亮兩面夾

擊再查有叅革總兵官信原帶山西兵一千九

百名落後多名經恒瑞叅奏革審查此項兵丁

除實在因病留養外陸續收得一千五百餘名

驗看各兵俱各軟弱疲憊難資戰陣必須加意
整頓且此項官兵原係從前追剿張漢潮一股
之兵於賊匪往來山徑尙爲熟悉

臣

現在帶兵

僅有千名賊匪於山內隨處奔竄路徑太多實
在不敷分撥是以將此項收得之兵交中衛協

副將馬兆瑞暫爲管領隨

臣

等一路行走以便

隨時整飭或於截堵之時令其分扼要隘亦可

少助聲勢較鄉勇究爲得力又臣於沿途經過

州縣見留養傷病索倫官兵現有已就痊愈者

俱因不識路徑或鞍馬不齊不能趕赴各原營

臣處並無得力馬兵此等兵丁較綠營究爲得

力臣隨處收集共得一百三十餘名所有鞍馬

弓箭不全者俱已代爲置備調令跟隨剿賊惟

帶領乏人伏思此次奉派押解軍餉赴川之巴

圖魯侍衛二十員臣已咨商勒保可否酌撥數員來陝帶領索倫官兵於事更爲有濟

同日恒瑞永保奏言陝省自賊氛竄擾邊圻往來奔逸各路官兵分投追截剿辦去住無常營伍不一分例各殊當有事之始軍行緊急倉卒備辦一切糧餉勢不能一一詳悉條例按款供支均係隨時照領應付並未立有章程以致騷

價夫價鹽菜等項並各屬招募鄉勇撫卹難民
採買軍糧銀數多寡參差其餉銀有自省局分
撥漢興兩府由該道府轉發各州縣者有州縣
徑赴省局請領者省局及道府等惟有支發總
數其細欸一時驟難明晰現據兩司稟報年前
所請之項業已告匱懇爲奏撥接濟查陝省前
後共請過餉銀一千一百萬兩雖軍行之際需

費浩繁其例應動用之處原不予以靳惜卽有
向無定例或須權宜支用難以拘泥者亦必須
有款有著今陝省軍需旣無使用細數而各州
縣陸續領去之銀又未隨時造冊呈報勢非一
時卽能查明清釐臣等身在行間又不能坐守
一方專爲料理鈎稽伏乞

皇上天恩簡派大臣一二員來陝駐紮漢中適中之

地統率屬員經理一切軍火糧餉並將從前動
用之項次第備細清查酌定成規應與川省籌
酌畫一者隨時札商辦理實於國帑軍儲兩有
裨益均奏入

上命軍機大臣傳諭恒瑞松筠永保曰張漢潮一股
賊匪奔竄陝境忽分忽合其伎倆全在於此永保
以恒瑞已往徽縣迎擊張映祥一股伊卽由洋縣

至五郎抄截不使闖入棧道籌辦皆合機宜永保
若能將此二逆殲滅不但前愆可免仍當卽沛新
恩近聞張映祥係張漢潮之姪未知信否並着查
明遇便覆奏至現在收得山西兵一千五百名及
傷病已痊之索倫兵一百三十餘名准照所奏帶
往其押餉赴川之巴圖魯侍衛等原係分起行走
着永保於伊等過陝時每起酌留一二員共留八

員在陝派令帶兵剿賊以資得力又據恒瑞永保會奏請簡派大臣駐劄漢中督率局員經理軍需等語著於部庫內撥銀一百五十萬兩照例解往備用但國家經費有常豈能應無厭之請帶兵大員自剿賊以來坐耗供支老師養寇計各路前後所用餉銀不下數千萬兩而軍務尙無告竣之期日復一日伊於何底著此次所撥餉銀支完賊匪

仍未殄滅伊等更有何顏對朕耶至支發軍需凡
例應動用及軍行緊急通融應付之款均須條分
縷晰逐款登記豈有祇開總數不開細款之理可
見情弊多端不可問矣恒瑞永保務須嚴飭道府
局員等加意撙節不得侵欺浮冒致干咎戾松筠
現已行至巴塘不日由川入陝著松筠於到陝後
卽在漢中適中之地駐劄督辦軍儲現在解往銀

兩卽交松筠經理用昭慎重

二十四日壬子恒瑞奏言據探張映祥等賊匪一

股由通渭一股由禮縣竄至大門鎮會合向徽

成一帶奔竄臣卽帶兵由兩當前進途次又據

吉蘭泰廣厚稟報藍號賊匪由大門鎮竄至徽

縣之麻陽河白號賊匪由大門鎮折回秦州之

娘娘壩又分股竄至馬跑泉社棠鎮等處該鎮

等馳回秦州籌防北路等語查藍號賊匪竄至
麻陽河爲甘省邊境已有折回川省之勢富成
現由禮縣進駐羅家堡距此股賊匪不遠自應
就近剿辦

臣

飛咨富成速向麻陽河趕緊追剿

惟白號賊匪人數本多復分股北竄勢殊散漫
若由秦安逸出大路卽係平涇邠乾等處若由
清水竄過隴山可至鳳翔汧陽平地廣厚吉蘭

秦兵力稍單只能顧住北面其汧隴鳳寶一帶

均關緊要臣必須由東北向西南步步兜圍方

能乘機剿殺隨星夜派令總兵觀祥由唐藏出

三岔河臣由太渠出萊子嶺並派副將德忠凝

德九十叅將韓加業等各帶弁兵分堵二郎壩

獅子川洩水溝老虎洞等處要隘多樹旗幟虛

張聲勢使賊匪不敢窺伺適吉蘭泰廣厚由秦

州繞至丁華嶺將社棠鎮之賊痛加剿殺賊匪
奔渡渭河之南與馬跑泉之賊會合向東奔竄
探知東面各路均有官兵遂俱向太陽寺一帶
南竄臣帶兵分路追趕雖各有斬獲未能痛剿
生擒劉萬等四十五名訊據供稱賊匪意欲牽
住西路之兵乘空竄赴陝西境內與張漢潮會
合不料各處都有官兵昨晚探馬報說官兵有

十餘萬之多甚覺畏懼想趨官兵未到趕緊折
回等語除將被裹民人張昌娃等二十八名釋
放外餘係真賊卽行正法現在平涇隴寶一帶
均已無虞

臣

知會廣厚吉蘭泰卽由秦州向南

追躡

臣

由東路兜剿仍可兼顧棧道俟其奔過

徽縣不能折回時

臣

與廣厚等縱兵合擊務期

速清甘境再據總兵慶溥稟報平利賊匪由南

坪竄至獅子壩該總兵分兵兩路迎殺八十餘人賊據山坡我兵進攻斃賊一百餘人又追殺一百餘人生擒三十八名奪獲器械九十餘件賊匪向白土關奔竄慶溥由女媧山一帶迎截又查陣亡遊擊蘇維龍自帶兵以來屢著勞績委署漢中協事今年正月秦承恩因四川餉銀過棧派帶兵勇各八百名前赴鳳縣一帶防堵

蘇維龍派兵二百名沿途護餉探知張漢潮已
自甘境折回竄至兩當太陽寺有兩路可以入
陝遂令守備鄭子秀帶領兵勇五百名防堵馬
嶺關又除看守軍裝兵丁外自帶兵勇七百餘
名前往唐藏迎截遇賊接仗自未至西力戰三
時殺賊甚多因後隊之賊分路抄截兵勇力不
能支蘇維龍誓死不退馬被扎死猶步行殺賊

受傷二十餘處罵聲不絕被賊割舌而死同時
陣亡把總趙世德外委曹文魁兵丁七十九名
鄉勇二十五名內有兵丁焦忠孝緊隨左右殺
賊尤多被賊剜眼剖脣受害甚慘此唐藏避難
民人在崖上目擊者賊過之後同往收屍備棺
殯殮_臣此次親加訪問衆口僉同現在百姓尙
爲釀金建祠再_臣前因遊擊邢承誥守備尙其

倫總未見奮勇打仗隨派叅將海洪阿前往換
回查訊該二員本係各帶兵勇分堵卡隘後經
秦承恩調赴城固二郎壩合營駐紮去歲十一
月間派令截剿張漢潮一股賊匪數月以來總
以奉文防堵北路爲詞並未打仗邢承誥係難
瘥出身初次帶兵一切俱聽尙其倫主持臣卽
將尙其倫杖責四十又據邢承誥供稱去冬張

溪潮由天明守過江距二郎壩僅三十餘里邢
承誥聞信卽欲帶兵前往截殺而尙其倫以隘
口緊要未便移動次日接札始行追趕以致落
後尙其倫亦供認不諱是該員等實有應得之

咎

臣

正在查辦詎尙其倫於初九日夜自勒身

死

臣

隨委鳳縣知縣何其英詳加驗訊實係畏

罪自盡至邢承誥身爲遊擊反受制於守備不

早稟辦殊屬不合相應請

旨將邢承誥降爲都司以示懲儆

同日馬慧裕奏言臣欽奉

上諭令將叅革總兵官信因何致令官兵落後多名

密擬具奏臣於本月十三日趕抵漢中親提官信

訊問據供我帶山西兵一千九百八十二名原

係副都統永德臣帶上年十月內永德病故宜

綿委我接管初派在大池壩堵禦川省竄匪曾
在橫順溝打仗一次十一月內張漢潮一股賊
匪過江奉調帶兵追剿我就從城固洋縣五郎
鎮安山陽商州商南一帶追至河南盧氏地方
將賊匪截回在松樹溝打仗一次又於本年正
月內趕至二郎壩打仗一次後來賊匪又自甘
省折回據拿獲賊人供稱該匪等欲由棧道翻

山賊赴洋縣一路我想要繞出賊前迎截並聞
恒將軍現在漢中正可就近謁見請示隨祇帶
壯健兵丁二百餘名兼程行走先到漢中當經
飭知該備弁等管領大隊人馬隨後趕來只因
山西兵素本軟弱且追賊已經數月更形疲乏
內有受傷患病趕不上隊者又因追賊迅速糧
餉一時不能趕到沿途買食或自赴縣補領問

有耽擱以致落後多名我見恒將軍時實止帶
兵二百餘名其餘業經隨後趕到查點兵數除
陣亡病故外已有一千七百三十二名我若有
避賊情事此三四月來從陝西追到河南又追
到甘肅復至陝西實無退縮不前但我身任大
員不能督率兵丁以致參差落後咎實難辭只
求治罪等情

臣

反覆究詰並摘提弁兵隔別研

鞫亦俱相符查大員帶兵剿賊必須兵不離將
方能得力今官信任聽官兵落後僅令備弁管
領實屬不諳紀律惟尙無避賊情弊已經革職
應卽留於陝省軍營効力贖罪倘敢臨陣退縮
卽行按律治罪均奏入

上命軍機大臣傳諭恒瑞松筠曰恒瑞所奏情形與
前日廣厚奏報相同白號賊匪本係富成專辦乃

帶領兵勇多名並未見其與賊接仗甚至廣厚等
追賊已至馬跑泉尙不知富成下落今藍號賊匪
竄至麻陽河富成在禮縣一路尤當就近追剿且
經恒瑞咨會又並未見富成將如何截殺賊匪之
處奏報恒瑞摺內所稱富成駐紮地方距賊不遠
自應就近剿辦之語卽係隱躍其詞可見富成在
彼安坐雖知賊匪相距甚近亦不思向前剿殺試

思廣厚等兵力較單尙能到處殺賊而富成坐擁重兵迄無成效以此較彼功罪顯然且現在恒瑞廣厚等分路剿賊而富成所帶之兵總未見其在何處打仗從未專奏一摺實爲偷安玩誤前已降旨令恒瑞等確切查叅著卽將富成自帶兵以來種種貽悞情節據實嚴行叅奏不可徇隱又據查奏遊擊蘇維龍陣亡一節除兵丁焦忠孝業經加

恩外蘇維龍係綠營將領能如此盡忠用命較之
退縮避賊何啻天淵實爲可嘉可憫著加恩照叅
將例咨部賜卹其同時陣亡之把總趙世德外委
曹文魁亦著一併咨部照例議卹至邢承諾身爲
遊擊並不能奮勇上前當張漢潮由天明寺過江
時距伊二人防守之地甚近邢承諾欲帶兵截殺
轉受制於守備尙其倫未敢移動實屬庸懦無能

之極尙其倫已畏罪自盡邢承諾自恃無人質証
故爲欲帶兵截殺之語殊不足信僅降都司豈足
示懲邢承諾著卽革職作爲兵丁留營効力倘再
不知悔改卽應奏明從重治罪又據馬慧裕奏審
訊參軍總兵官信一案官信前直隸剿張漢潮一
股賊匪惟知畏賊遠避乃猶供稱在盧氏地方將
賊匪截回顯係捏飾且張漢潮前欲由棧道竄赴

洋縣官信正應躡蹤剿殺乃又稱本欲迎頭截剿
因聞恒瑞彼時正在漢中先往謁見請示試思賊
蹤已近豈有見賊不殺捨而他往之理卽有應行
請示之事何妨具稟陳遞又豈得因有稟請一語
輒將壯健兵丁二百餘名帶領同往藉以自衛一
任病弱兵丁一千七百餘名沿途落後且據供該
兵丁等因在途買食以致不能趕上此項兵丁係

官信所帶乃置之不顧任聽落後則所稱在途買
食之語亦必係沿途搶掠軍營尙有紀律耶是官
信藉詞避賊自屬實情所供顯係取巧前此張漢
湖屢經官兵剿殺夥匪已屬無多且該逆又係老
病無能轉輾奔逃勢極窮蹙官信彼時若能趁勢
截剿早可辦竣何至又任他竄是官信由陝西而
至河南又由河南而至甘肅陝西止係隨賊奔跑

何曾與賊接殺一仗尙得謂之追剿耶此案非馬
慧裕所能辦結著將官信監禁西安俟松筠到漢
中後卽提到該犯遵照指出情節嚴審定擬具奏

二十五日

癸丑

明亮與肇奏言查張漢潮股匪經

臣

等於龍王廟紅門寺等處將首夥賊衆逼歸

一路該逆等知五郎鎮安山陽一帶無兵堵禦
遂將夥衆分開或兩路或三路忽分忽合希圖

牽綴官兵臣等料其譎計其勢必往河南必得

將商州緊要路口扼住方免竄越正在詢問本

地民人道路適商州知州陳祁帶領鄉勇到來

面呈地圖言及賊匪現紮上西川相隔秦嶺鋪

黑龍口泥峪口等處入豫之路甚近係賊匪必

經之地泥峪口雖派有鄉勇數百名堵禦恐不

足恃尙須添派官兵臣等儘此兵力刻卽分爲

三路各令嚴加圍截臣明亮率領侍衛莫新鎮

臣長春遊擊應元寬協領泰巴圖等帶領馬兵

一百名步兵八百名在泥峪口堵禦派愛星阿

帶領馬兵一百名鎮臣關騰遊擊游棟雲等帶

領步兵七百名在黑龍口堵禦臣興肇率領總

管都雷阿察將楊奎猷等帶領馬兵一百名步

兵五百名在秦嶺諸堵禦分撥已定初五日已

時賊匪探馬二十餘人來至泥峪口遙見官兵
飛奔而逃被索倫官兵趕上驍騎校委叅領杜
爾博首先連射三人餘匪俱已逃回卽撥兵勇
跟蹤偵探賊匪已出上西川折回南竄臣聞信
卽收齊各路官兵漏夜向南逼追初九日起至
西毛坪賊匪在對河屯紮倚恃大河溪水漲發
胆敢持矛林立施放鎗礮臣留一半官兵在對

面敵住一面飛飭愛星阿莫新長春游棟雲應
元寬等暗從上游帶領馬步官兵淌渡過河由
山邊小路突出鎗發箭射立時斃賊四十餘人
該匪卽分爲四五路扒山亂逃臣等督率副將
多爾濟扎普遊擊胡定泰徐大鵬守備陳應彪
等過河分路兜抄擒殺二十餘人追至磨石溝
賊匪竄上大山梁合聚一處情急捨命撲壓三

次我兵人人奮勇短兵相接斃賊百餘人擒獲賊目李仲芳何從堯等二名餘匪董學倫等三十七人時已戌刻未能窮追賊匪翻山梁遁走查賊目李仲芳何從堯均係湖北襄陽人張漢潮起事之時卽隨同打仗至今據供張漢潮因官兵追剿緊急原想盤繞幽僻山徑逃至河南增添人馬卽回湖北舊地方再作計議不料被

官兵擋回追殺又緊今日渡過河來正在炊食
張漢潮見官兵趕到囑咐冉學勝等說我帶婦
女老幼先走你在此聚集矛手暫時擋住官兵
我翻過山後你亦速來等語餘無要供當將該
二犯立行嚮割餘匪發交知府趙洵訊明分別
辦理次日途間據有探報賊匪翻山後分爲兩
路一路由山梁望哨行走一路由密林小道前

遁察其去向皆可到五郎臣查賊匪現竄路徑

仍是從前往來舊路若由五郎繞過不奔城固

洋縣必竄武關留壩一帶適接勒保來咨以臣

一旅之師未能分投截剿因派恒瑞永保各帶

官兵暫同協剿臣行至五郎屬之太白廟又接

永保來信已帶兵由城洋一帶確探迎闌與臣

前後夾攻等語臣已將賊匪去向開明飛咨恒

瑞永保囑其迎頭截剿以期夾擊集事奏入

上命軍機大臣傳諭明亮與肇曰此次賊匪經明亮等分投截擊不能闌入豫境所辦尙好但所殺賊匪無多並稱時已戌刻未能窮追賊能黑夜奔逃我兵惟圖安逸不及時追逐豈非又落賊匪之後至賊匪往來奔竄忽分忽合是其故技現在張漢湖分股西竄之賊永保已帶兵由洋縣五郎迎截

明亮務當督率官兵與永保兩路夾擊迅速殲除
毋再任其蔓延滋擾致干重咎

同日吳熊光奏言本月二十日臣接南陽鎮臣

田永桐來札轉據差目回營稟稱十六日到湖
北鄖陽地方探得賊匪張添倫一股於四月初
七日由平利之馬盤山竄及松沙河逼近開揚
坪隘卡經官兵奮力堵剿至初九日向東逃竄

十三日竄至楊家牌樓距鄖陽江岸二百餘里
并聞賊首張添倫係襄陽人屢欲竄回原籍等

語臣查豫省東南邊境係在襄江北岸賊蹤雖

距南岸僅止二百餘里刻下正值江水長發之

時似難偷渡現又有倭什布帶兵截剿自無虞

其竄入豫境第查從前襄江北岸原駐兵五千

八百餘名鄉勇四千名派鎮道帶領分段防守

昨春景安帶赴楚北兵丁二千八百名王文雄帶赴陝西兵丁一千名秋間又經景安調去河東兵五百名共去兵四千三百名剩兵一千五百餘名經前任撫臣倭什布奏交巴永祠帶領在浙川縣之荆子關一帶巡防其鄉勇四千名并經倭什布因賊匪竄入川省距豫遙遠裁撤三千名散歸鄧州原籍尙餘一千名交裕州知

州單可垚帶領駐劄朱陽關巡防是襄江北岸

一帶久無駐防兵勇

臣

到盧氏以來卽爲籌及

江防并札商倭什布以昨春景安帶去之兵可

否酌令千餘名回豫以資防守尙未准札覆現

在賊匪已竄近鄖陽該省亟需兵力勢難酌撥

而豫省因係腹地省分向定兵額本屬不多日

下張漢潮一股賊匪雖已竄往鎮安一帶距豫

省漸遠但賊蹤奔馳靡定如寺坡太峪口西坪等處均與陝省接壤邊界縣長有關緊要亦未便將隘口之兵遽移江岸致有顧此失彼之虞

臣再四熟籌張添倫雖意在竄回襄陽原籍然

距江岸僅二百餘里是豫省北岸自應密爲布

置以期有備無患

臣

已一面飛移田永桐卽就

近帶領兵丁前赴鄖西對岸駐劄察探何處緊

要卽往何處防堵其江干往來船隻木筏等項
盡行提泊北岸以免賊匪乘機搶渡並飛飭南
陽府知府周璣將鄧州前撤之鄉勇三千名內
迅卽調齊二千名帶領前赴東南一帶與襄陽
對岸地方相機防禦再查朱陽關居盧氏淅川
之中該處尙非十分緊要臣卽札飭單可珪帶
領鄧州鄉勇一千名趕赴田永桐行營聽候調

遣又都司蘇大雄帶兵五百名駐劄界嶺與荆
子關相近並令就近赴荆子關駐劄防守俾田
永桐帶兵移赴江岸而荆子關亦不致空虛

臣

亦卽由盧氏起程前往西坪等處就近調度第
查鄉勇一項不知紀律防堵未足深恃豫省現
在存營兵僅五千餘名河北及歸德光州一帶
與直隸之大名山東之曹單安徽之潁亳接壤

地方緊要營伍未便空虛且沿途各塘汛亦須酌留兵丁勢難再行抽撥河南駐防滿兵有七百數十名但省城重地亦祇可酌調二三百名應用此外實無可檄調

臣

前在保定起程赴豫

時卽與督臣胡季堂商定直隸正定標營尙有挑備戰兵一千餘名如豫省需添兵力可以調

用

臣

不揣冒昧已飛咨胡季堂密飭預備俟馳

抵西坪再行查探如果需用卽一面奏

聞一面咨調以期迅速到豫應用至楚北老河口一

帶從前駐有鄉勇二千名此時曾否盡撤

臣亦

早經札詢倭什布查明妥辦再據陝州知州諸

以謙稟稱山東預起官兵二百數十名已於本

月十八日行抵陝省潼關廳前進其餘各起亦

陸續抵陝州靈寶閿鄉一帶約二十四五日全

數均可行抵潼關出豫省境又據潼商道吳沂稟覆以華州一帶山徑崎嶇難于行走山東官兵不若由潼關至商州前進較爲近便卽照料由商州前赴商雒等語臣查吳沂熟悉該處情形已飭照辦連日探得張漢潮一股賊匪於本月初十日分爲三股逃竄後由鎮安西奔漢陰現已竄至五郎廳境內距鎮安一百七十餘里

雖離豫省邊境漸遠然陝省鎮安東北若無攔
截之兵仍難保其不折回東竄是以臣仍令東
省官兵迅速由潼關取道商州前進俾張逆一
股及早撲滅明亮等即可酌量移師赴楚協剿
卽豫省東北一帶駐防官兵亦可酌撥移赴迤
南一帶以資防範奏入

上命軍機大臣傳諭吳熊光曰現在河南邊界緊要

自當添調官兵實力防堵朕本有調用直隸官兵
之意今吳熊光已飛咨胡季堂密飭預備正與朕
意不謀而合甚堪嘉許該撫馳抵西坪後察看情
形如果需用卽一面奏聞一面咨調朕亦不另降
旨諭知胡季堂矣至摺內所稱札商倭什布以昨
春景安帶去之兵酌令千餘名回豫一節所見非
是此項兵丁雖係景安帶往楚省究因堵剿賊匪

而設現在景安已赴川省俱交倭什布帶領且賊
匪前由平利竄入竹山倭什布帶兵截剿始行折
回是楚省正需兵力若將豫兵調回恐致掣肘吳
熊光係河南巡撫未免自衛本境而不計及隣省
封疆大臣惟期于國事有益通盤籌畫不可存此
疆彼界之見也

同日倭什布奏言查竹谿以東可達竹山房縣

之路甚多張添倫股匪於十一日敗追後從漫
液村東竄水坪有由竹山直趨房縣保康之勢
倘一經闢入卽可東達南襄北趨均穀南侵興
遠等縣必須乘勝躡剿其後抄擊其前方可夾
攻得力臣因一面飭叅將董寧川都司孫應奉
劉應世等帶兵抄道趕赴竹山潘口地方扼要
設伏以備截擊一面親帶官兵隨其所向緊追

躡剿十一十二兩日於竹谿境內之水坪縣河
舖及竹山境屬之保豐等處或乘其暫息飲食
奮兵追擊或於該匪夜宿民村出其不意突前
衝殺先後殺賊四百餘名生擒三十七名自行
投出者五十三名該匪勢已窮蹙直前東竄十
三日竄至竹山潘口董寧川等帶領官兵先期
趕到已於潘口十轉山地方隨山曲折將官兵

埋伏停妥該匪行至半山伏兵齊出併力壓下

五

亦集兵整隊前進與董寧川等前後夾攻賊

賊一百餘人正思併力殲擒詎該匪不敢抗拒

因北面山勢稍平又有長溝二道卽越澗滾崖

不避險窄紛紛狂竄所執器械拋棄滿路官兵

追殺三十餘里殺斃一百三四十名生擒二十

六名迫至馬鞍橋該匪竄過橋北卽將板橋焚

燬並砍伐樹植填塞道路官兵緊趕渡河該匪窮日夜之力捨命逃生於十四日夜由交隆觀竄回陝省白河縣境查該匪籍隸襄陽此次由陝入楚注意竄回原籍幸官兵趕緊截剿不致深入但現竄白河地方北阻漢江東達楚省卽縣南接竹山西南仍可達竹谿揆度賊人趨向非由西北奔竄洵陽安康卽因被剿情急暫退

人狹必仍思乘間折回除已飛咨明亮恒瑞及
防守興安一帶之總兵慶溥酌量分兵截剿外

臣現于鄭竹沿邊一帶隨賊所向相機攔截連

日擒獲六十三名內黃必舉等三十二名係習
教授徒甘心從賊卽行正法其唐自安等三十
一名與投出之陳修賢等五十三名皆係被裹
良民俱交竹山竹谿兩縣收養俟事竣後與前

此所擒被裹各名一并咨送回籍安置至此次
賊匪經過地方百姓聞信逃避房屋間有被焚
者委員逐一查明招集復業分別安撫務使難
民不至失所奏入

上命軍機大臣傳諭倭什布曰張添倫股匪闖入竹
山竹筴一帶倭什布分飭官兵奮力追擊竄回陝
境楚省邊界一律肅清甚屬可嘉倭什布此時惟

當在本境督率防堵斷不可意存邀功越境追剿
此等教匪往來奔竄三年總思逃回湖北本籍若
倭什布一離楚界或賊匪從他路繞回轉致無兵
堵截且該省爲邪教之藪不可不防其乘間滋事
倭什布當以固守封疆爲要務如能擒獲賊首固
屬甚善卽未能殲除渠逆嗣後能使賊匪畏懼楚
省兵力不敢再來卽屬該督之功必加懋賞况招

集復業難民安插被裹百姓善後之事楚省居多
倭什布尤不便舍此他往現在張添倫一股既經
截回張漢潮張映祥兩股有明亮永保恒瑞廣厚
等分投夾擊自必向南奔竄又恐其勾結川東之
賊由巴東一路逸入高杞現駐該處著倭什布札
會該撫一體在本境嚴防賊來則實力剿殺賊去
亦不必遠追如此面面有兵攔截三逆不能竄歸

湖北熟路失所憑依祇在一隅之地狂奔延喘自
無久而不疲之理各路官兵乘其敗竄窮蹙之時
合力逼剿以目下情形而論賊勢漸衰可望速行
殄滅矣至叅將董寧川昨因其打仗出力賞戴花
翎本日倭什布摺內稱其帶兵埋伏從半山壓下
併力殺賊該叅將前隨景安時並未奏其出衆打
仗今如此奮勇皆由該督調度合宜故將士皆能

用命也

同日塔爾巴哈臺領隊大臣伊江阿奏言

臣蒙

皇上天恩賞還世職授爲領隊前往新疆換班四月

十七日行至陝西之長武縣遇有甘肅靈臺縣

馬遞公文係由八百里申報恒瑞

臣

不勝駭異

當卽札詢該縣據署靈臺縣事魏行敏稟稱本

月十六日接有隴州來札於十三四日連有兩

股賊匪約有千人自西南竄至州屬之新店鎮
焚掠隴州與靈臺連界相距不過九十餘里賊
匪旣已擾至隴州則將逼近靈臺該處城池較
小居民無多倉廩向在城外營汛僅有外委一
員兵五十餘名現已僱覓民夫三百名壯役十
六名恐不足以資抵禦臣查督臣松筠並藩司
楊揆均未到任署藩司廣厚會同總兵吉蘭泰

在秦州督兵堵剿恒瑞並領兵各大員在川陝
一帶分捕大股賊匪相距靈臺甚遠且涇州長
武地當孔道與靈臺接壤是該縣防守關係緊
要臣不敢拘泥一面知會恒瑞廣厚一面卽赴

靈臺多僱鄉勇率領兵役于要隘處所設卡嚴
防張其聲勢俾賊匪知有守備不敢乘虛闖入

若南面官軍攻擊甚緊或致賊匪北竄臣卽就

勢夾擊似爲得力俟此股賊匪辦淨臣仍遵前

旨卽赴新疆奏入

上命軍機大臣傳諭伊江阿曰伊江阿前因獲咎授
爲領隊大臣令往新疆換班今既有此奏姑准所
請暫留該處率領兵勇將擾至隴州賊匪卽行撲
滅倘賊匪北竄卽就勢夾擊看汝福分何如耳若
此股賊匪一經辦竣卽當速赴新疆不可借此逗

留希與邀功也

欽定剿平三省邪匪方略正編卷九十八

己未年

四月二十八日

丙辰

勒保奏言查各股賊匪前在

陝楚邊界者俱已折入川東而額勒登保所剿

張子聰一股自水磨河截殺之後向雞捲門一

路奔竄額勒登保督兵追剿至臨江市探得該

匪等晝夜奔逃由陳家場忽分兩股一走玉河

坪一走袁家壩隨派阿哈保楊遇春分帶馬步

官兵由長嶺岡一路追躡額勒登保由觀音山
一路進發本月初四日至雲陽縣屬之蒲家山
趕上賊匪見有一二百人或四五百人紛竄於
巖澗之中一見官兵卽委棄鎗矛衣物亡命在
奔我兵分投追殺斃賊一百五六十名生擒吳
懷理等五十四名訊係張子聰分股賊目蕭焜
帶領一千餘人欲往夔州約同卜三聘等前來

合夥恐結隊行走被官兵趕殺是以零星散竄
額勒登保卽連夜分兵搜捕直至江口地方又
殲獲一百餘人正在追剿間據報卜三聘龔文
玉兩股由大寧竄近雲陽蕭焜已與之竄合初
九日我兵分路進攻額勒登保率同總兵銜穆
克登布督兵至馬路坡該處祇有小路一道賊
匪在山頂山腰放鎗擲石兵力頗難施展攻至

兩時之久始奮力搶上山梁殺賊五六十名追至大梁子地方賊衆漫山衝撲甚肆猖獗額勒登保令格布舍豐紳帶領馬步隊搶上尖山坪賊勢頗却額勒登保亦卽驅兵橫衝截殺越過數重大山直追至寒水壩殺賊三百餘名生擒張起華等四十七名訊係卜三聘賧內之賊因時已昏暮又值大雨卽在大池梁紮營該匪等

竟敢乘夜前來分撲營卡幸俱各有準備立時
擊退天明查點賊屍共有六十五軀連日霧雨
甚大山水驟發賊在金竹園屯聚並未遠颺竟
有踞險抗拒之勢至阿哈保楊遇春等帶兵由
長嶺岡一路追躡之賊於大黃山四方山兩處
趕上斃賊一百餘名生擒五十一名訊係張子
聰由玉河坪竄出欲向大平奔逸初六日官兵

正向周家壩追趕之次忽有騎馬賊匪五六十人帶同賊衆四五百人直衝前來我兵奮力迎擊立斃騎馬賊五名賊衆二十餘名該匪等卽向左手山溝退遁楊遇春以形迹可疑卽令大隊紮住探係樊人傑一股人數頗多均在楊家山溝內潛匿初七日五更阿哈保帶領馬隊沿山直上楊遇春帶領步隊由溝進發賊衆在山

搖旗兩喊施放鎗礮官兵分路仰攻副將關聯陞率衆競上身受矛傷尙復躍馬衝入賊隊以致陣亡我兵人人忿恨鼓勇截殺賊匪不能抵禦臨陣殲戮及滾巖跌斃者八九百人丟棄鎗礮器械無數生擒馮元等男婦二百一十三名口訊係樊人傑龔建兩股由西鄉太平翻山欲赴溫湯井適遇張子聰前來求救樊人傑等卽

在楊家山攔住官兵不料亦被殺敗等供阿哈保卽帶兵追躡初九日正由梅子壩捷徑抄出溫湯井之前忽報後路又有賊匪從井壩竄出擾截鍋帳幸都司劉選保護上山不致損失初十日阿哈保楊遇春率兵轉回至譚家壩見西面山梁聚賊二三千人卽分投攻擊賊匪抵死抗拒相持半日始得搶上大梁匪衆潰遁追

至石梁寺沿途殺賊二百餘名生擒李全玉等
四十三名訊係徐添德匪衆被德楞泰連日痛
剿星夜奔逃至此適遇張子聰約同前來抄截
後路查徐添德一股自大寧竄至太平祇藉別
股賊匪攔路以圖免脫經德楞泰于修基壩截
殺與李樹等同竄明通井迨官兵進抵該處又
復分投奔逸總在萬山之中輾轉潛逃欲思疲

我兵力德楞泰連日於雞鳴寺紅花梁山溪子等處又遇龍紹周李樹等股督兵分剿殲獲三百四名各匪俱竄高觀寺而徐添德一股被官兵在山溪子截斷卽退屯鄧家山德楞泰于本月初二日督兵攻擊殺賊五十餘名擒獲廖祖德等二十一名賊衆連夜奔逃當派賚冲阿李紹祖帶兵由王家壩抄截德楞泰統率大隊由

水坪進發查探賊匪現屯甕坪初四日行抵旗
桿山半坡見對面山坡有白旗十數桿一見官
兵竟敢率衆衝撲德楞泰卽分兵三路兜圍立
斃賊匪三四十人該匪左衝右突毫不畏懼適
寶冲阿等亦從寒溪河踵至四面夾擊殺賊五
百餘名擒獲楊載貴等一百五名餘匪旋即奔
竄初五六七等日我兵晝夜窮追並無片刻停

歇在古佛庵殺賊三百餘名生擒魏芳等二十四名投出難民李仕祥等八十四名口直追至斗嘴子地方該匪等沿途自相踐踏滾崖跌死又有七八百人投出馮茂義等一百八十三名口初八日由雞鳴寺過河正值大雨河水漲發賊匪撲河奔竄淹斃亦多我兵皆躍水而過亦有被急溜衝淹者殊覺可憫此股匪衆連日追

殺所剩不過千餘人滿擬卽可辦完詎初九日
至黃虎坪忽有賊匪多人放鎗抵敵德楞泰卽
催兵迎擊殺賊一百餘名擒獲黃三文等三十
七名訊係樊人傑龔建等匪被阿哈保等剿敗
之後逃至此間昨日徐添益先與張子聰合夥
今日又遇樊人傑商量先到作井壩探明何處
無兵卽往何處約會同走不料又遇官兵截殺

想來已同往柞井壩去等語德楞泰卽催兵追至柞井壩而賊匪已向譚家壩竄去因連日追剿緊急後隊官兵及鍋帳軍裝大半落後俱未趕上又值霧雨不止不得不畧爲停待十二日帶兵由譚家壩一路追剿前進至包正洪一股前在涪州境內被鄉勇截回旋在鄰水境內潛匿嗣聞總兵朱射斗帶兵前來追剿復向梁萬

一路奔逃該鎮於初九日趕至萬縣之康家坪
追剿二十餘里至蝦蟆石殺賊三百餘名生擒
及棄械投首者一百二十七名初十日又趕至
趙家場河邊正值賊匪搶渡朱射斗帶兵趕殺
斃賊一百餘名淹斃百餘名生擒李有隴等二
十三名該鎮當率兵勇過河追躡又行十餘里
忽有一股賊匪約二千餘人衝出抄截後路勢

頗洶湧朱射斗卽帶兵轉回策應殺賊二十餘
名生擒孫成等十一名餘匪潰遁訊據活賊供
稱高姓郝姓之賊不知其名由夔州竄來與包
正洪合夥朱射斗現由大巖口消水灣一帶追
剿此各路軍營連日打仗殺賊之情形也

臣查

徐添德樊人傑龔建三聘張子聰等股賊匪
經官兵連次痛剿現俱逼在開縣東鄉邊境賊

股雖覺較多而額勒登保德楞泰兩路官兵分
投兜剿趁此勝勢正可聚而殲洗此正極好機

會

臣

已知會額勒登保等無論何股賊匪辦完

一股卽少一股不必拘泥專剿何股轉致他股

縱逸現在夔巫一帶有總兵德英額副將呂朝

龍分帶兵勇駐守足資防堵提督七十五傷已

漸痊

臣

已檄調該提督約帶兵勇二千名就近

探明何路緊要卽赴何路協剿龍紹周等旣竄
高觀寺難保不闖入陝境現又飛飭王文雄慶
溥柯藩等實力堵剿再大寧太平兩縣地方幅
幘遼廓均係重山密箐德楞泰追剿采入因賊
股較多糧運時通時塞經福寧設法籌運並經
臣抽撥官兵分起護解糧餉前進有已經送到
者亦有輾轉繞道未經運到者兵糧不免缺乏

德楞泰令官兵隨時向寨峒居民採買包穀雜

糧分食稍資接濟數旬以來官兵已形艱苦又

因深山多雨登涉維艱以致人多跣足馬多跌

斃更覺倍常况瘁臣已於附近州縣購買鞋一

萬餘雙解往分給其馬匹一項索倫吉林官兵

均所必需因川省不能多備前此臣已札商陝

甘湖廣督撫每省酌調馬四百匹現據覆到已

經趕解一俟解來卽當酌量分給以供馳驟現
在德楞泰一路官兵已追賊至開縣一帶各州
縣臺站均可將糧餉等項源源運供不致貽誤
至連日各路打仗遊擊王愷守備李東宣王得
勝驍騎校委叅領伯勒亨寶均受矛傷現飭上
緊調治其餘傷亡弁兵容俟查明另行咨部所
有各路擒獲活賊及投出難民統計有一千餘

名口均經隨時訊明將從賊者立予正法被脅者酌給銀米釋回原籍安插

勒保又奏言查成都將軍富成自上年派令帶兵在川東一路專剿徐添德一股匪衆未能實力追擊致令該匪竄入箕山合夥奔逃辦理已屬貽悞曾經臣節次嚴切飭誡方冀其肅除積習振作帶兵乃此次追剿張映祥一股賊匪本

屬無多在蒼溪廣元一帶卽不能痛加剿殺亦當截回川省詎富成徒事尾追以致闖入甘境

愈脅愈多

臣

屢次嚴催趕剿置若罔聞每據具

報打仗情形

臣

密派弁員訪察全屬敷衍捏飾

臬司廣厚總兵吉蘭泰等尙且在閭井新寺鎮等處連獲勝仗而富成係將軍大員數月以來惟知藉詞迎截繞道而行總未趕上與賊接仗

似此貽誤軍務實屬有負

國恩且查該將軍所帶鄉勇經過寧羌畧陽岷州等處多有騷擾地方情事民怨沸騰可見軍行毫無紀律相應據實叅奏請

旨將富成革職拏交刑部治罪以爲帶兵大員不實心出力者戒昨准恒瑞知會因聞此股竄匪擾近通渭業由棧道帶兵赴北路督剿俟

命下之日應請飭知恒瑞就近摘取成都將軍印信
並委員將富成管押解京至富成所帶之兵自
應卽交恒瑞一併管帶惟查富成原帶兵勇除
鄉勇二千餘名現因到處滋事臣已知會恒瑞
查明懲治概行裁撤外尙有官兵四千餘名而
廣厚吉蘭泰等原帶官兵三千五百名昨又據
恒瑞札會續調兵一千五百名總兵索費英阿

復帶兵二千名由蘭州馳往協剿現在恒瑞一
路亦有四千餘名統計共有官兵一萬五六千
名以之剿捕張映祥一股賊匪似覺有餘因思
明亮一路兵力稍單臣已知會恒瑞卽於富成
原帶兵內撥出三千名交與明亮永保剿辦陝
省賊匪庶不致顧彼失此再巴里坤鎮總兵德
寧病故遺缺例應補用滿員查有直隸督標中

軍副將疑德在恒瑞一路帶兵剿賊奮勉出力
現准恒瑞保送前來合無仰懇

聖慈卽將疑德陞補以示鼓勵

勒保又奏言前奉撫卹被脅難民

諭旨

臣

卽敬謹謄黃並出示遍處張貼曉諭卽如德

楞泰一路在渡口場打仗同時投出被脅男婦

二千餘人額勒登保一路在廣安營山一帶打

仗時每日有投出數十名至一二百名不等並
據萬縣稟報有朱繼連被賊擄去約同賊夥內
周文光等四十八人將辛聰股內賊目張宗英
等五人殺死投出又據夔州稟報有卜三聘股
內賊目晏登明四人帶同被擄之王奇等九十
餘名赴蓮花池刦卡王奇等因見膽黃告示卽
起意反戈立將各賊目殺斃赴官投首行之業

有成效臣已將宋繼連王奇等賞給頂戴並將

投出之人均令地方糧務各員酌給銀米回籍

安插茲荷

聖明指示仍復隨處設法宣諭如有將首逆縛獻或
割取首級呈驗者更當奏明倍賞並給與頂戴
以示鼓勵查教匪本無一定巢穴往來奔竄每
遇官兵剿捕情急或有險可恃或有糧可據或

搶占民間山寨積有存糧卽行屯割以爲苟延
抗拒之計其妻孥則稱爲二炷香均各帶同行
走亦無另有預謀安頓地方現在各州縣百姓
俱各擇險集團紮寨若能守禦緊嚴賊匪不能
搶占此時惟有儘力剿辦總期迅速殲除勢難
豫揣其過夏地方先行安兵占據又查前派之
巴圖魯侍衛現在前敵者尙無怯懦不出力之

人惟其中或有養傷養病者統俟此次派出之
巴圖魯侍衛等到齊再當酌量分派更換至明
興現既不管糧餉因查前派開縣之成都滿兵
祇有協領隆德等管領不足以資彈壓茲已派
令明興前往開縣帶兵防禦並照料回京之健
銳火器兩營官兵起身事宜又奉

諭旨六十七帶回健銳火器兩營兵丁應否仍須由

京派往頂補查列下軍務漸覺得手官兵自京
赴川未免太遠可以毋庸添派致滋跋涉又查
教匪起事始於湖北繼以四川臣從前一到川
省亦聞達州知州戴加望居官平常時加訪察
實緣該牧老病無能一任奢差狐假虎威在外
滋事先經英善撤令聽差因不知奮勉復經
宜綿奏叅革職並有同摺具奏告病勒休之知

縣俞廷舉州同張化鵬亦奉

旨一併革職留於軍營効力是戴如煌本係奏請革職之員雖係川東道李憲宜鄉親實非該道詳請告病至該州吏目名徐之琅前在戴如煌任內因州官不能辦事每將案件發交審辦以致民間多有怨言及至新任知州劉生琦到任後該牧本係川省好官與劉清同有濫名向有二

劉之稱徐之瓊在伊手下爲屬員兩年以來未

聞劣蹟

臣

查該州有滋事之書役內刑書黃登

彥業經病故差役王國學張貴賢郭忠禮李昂

等先後被賊殺斃而戴如煌又患瘋癱病症半

身不能舉動日久未痊原擬俟軍務告竣再行

核辦茲奉

諭旨飭查

臣

亦無所用其迴獲且現在達州境內紮

營耳目較近逐細確查尙無貪婪實蹟因思賊
匪往往以官逼民反爲詞而教匪到處傳習起
事各該州縣亦非盡係貪官今戴如煌旣已叅
革現成病廢尙有經手報銷未完一俟辦竣再
令回籍吏目徐之琅前在戴如煌任內擅理民
詞旣有怨言卽屬溺職臣到川後未及核辦實
屬疎漏應請將該吏目革職以肅吏治至同案

革職留營之知縣俞廷舉州同張化鵬平日后
官尙好旣以老病革職則留營亦屬無益應卽
令其各回本籍趙華方積二員容臣隨時察看

如果始終奮勉辦事實心自當再行保奏至歷
次打仗陣亡之將備各員及文職遇害者均經
隨時附摺具奏其陣亡弁兵亦俱陸續造冊咨
部惟鄉勇站夫書役並被害士民其中有罵賊

不屈致遭慘死者有婦女守節不污者因爲數
稍多雖據各州縣隨時具報尙須詳細確查亦
有未經查造之處統俟逐一查明分別彙案奏
咨仰懇

聖恩旌卹以昭激勸而慰忠魂均奏入

上命軍機大臣傳諭勒保曰各股賊匪前在陝楚邊
境者俱已折入川東而額勒登保所剿張子聰一

股又與賊目蕭焜分股奔竄其意總欲疲我兵力
實爲可惡額勒登保率同鎮將等躡蹤追剿殺賊
多名將卜三聘樊人傑龔建徐添德龍紹周李樹
等連次痛加殲戮俱逼至開縣東鄉邊境實屬出
力可嘉而德楞泰亦於雞鳴寺木坪等處分兵三
路兜圍並於黃虎坪將樊人傑等股剿敗之賊迎
頭截擊現由譚家壩一路追剿前進德楞泰雖不

若額勒登保之加倍奮勇而此次逼剿各股賊匪
晝夜窮追亦尙認真出力其在譚家壩西面山梁
剿殺賊匪之阿哈保楊遇春二員與賊相持搶上
山梁直前追殺甚屬奮勉可嘉而包正洪一股亦
經朱射斗逼至萬縣一帶是各股賊匪俱已驅歸
一處實好機會正可聚而殲旃惟高均德一股不
知下落何以未見蹤及現據勒保奏健銳火器兩

營換回疲乏兵丁毋庸由京派往頂補看來勒保
剿辦賊匪已有就緒大功將次告成是以不請添
派京兵朕心稍慰盼望喜音倍深殷切勒保尤當
悉心調度迅奏膚功敬告

几筵早慰

皇考在天之靈成朕之孝成汝之忠勒保當謹誌朕諭
也所有額勒登保一路打仗陣亡之副將關聯陞

於身受矛傷後尙能躍馬衝入賊隊致被戕害可
惜之至著咨部照總兵例賜卹其德楞泰一路官
兵追剿賊匪由雞鳴寺蹣水而過適值雨水漲發
有被急溜衝淹者亦著德楞泰查明一體咨部俱
照陣亡例議卹至馬步官兵等追剿賊匪因深山
多雨登涉維艱以致人多跣足馬多跌斃此等情
節朕亦聞知自屬實情勒保現今附近州縣買鞋

解往並於楚省酌調馬四百匹所辦俱好至另摺
奏奏富成請革職拏交刑部治罪所辦甚是不愧
經畧大臣富成帶兵以來自正月至今從未將剿
賊情形具奏一次惟知坐擁多兵藉詞繞道避賊
而行總未與賊接仗縱令賊匪闖入甘境且廣厚
等追賊已至馬跑泉尙不知富成下落而所帶之
兵又復到處滋事全無紀律種種偷安玩愒節經

降旨分投查辦今據勒保查明叅奏其罪實不可
恕本應照從前訥親之例卽在軍前正法但彼時
用兵係在外夷地方此次教匪滋事不過內地亂
民若卽在該處辦理致賊匪輕視帶兵大員轉長
刁風現已降旨交松筠就近嚴審定擬具奏後卽
將富成解京所有成都將軍員缺已令慶成補授
其富成原帶之兵業經勒保分交恒瑞明亮等管

帶慶成到陝後自應酌撥官兵俾資剿辦慶成現在取道西安前往應於何路官兵內抽撥給與管帶之處著勒保酌量辦理又據另摺奏被脅難民內有宋繼連約同賊夥周文光王奇等因見膽黃招撫卽起意殺斃賊目赴官投首俱經勒保分別賞給頂戴是招撫一事行之已有成效此等投順之民自應加之優獎以廣招徠否則示人以不信

豈肯踴躍自效相率投誠耶又據覆奏賊匪本無一定巢穴一節此事本係朕偶爾思及今旣據查明賊匪並無預謀安頓家屬之處自不便以有用之兵屯集閑地惟在勒保酌察情形妥爲辦理至此次解餉赴川之巴圖魯侍衛章京等前已有旨酌留八員在陝省軍營聽候派委其餘俟餉差竣事卽可赴勒保軍營効用其查奏已革知州戴如

煌及叅革吏目徐之琅叅革知縣俞廷舉等均令各歸本籍皆應如此辦理

上又命軍機大臣傳諭松筠曰前因成都將軍富成經勒保派令專辦張映祥等一股賊匪總不能帶兵截剿惟知藉詞繞道避賊而行且自正月以來從無隻字奏報而轉咨會廣厚虛捏戰功濫填殺賊名數迨廣厚等追剿已到馬跑泉富成近在該

處杳無信息種種偷安取巧貽誤軍務節經降旨
分投查辦今據勒保奏富成怠玩避賊情節屬
實並稱富成坐擁兵丁鄉勇有七千名之多從未
趕上賊匪與之接仗一次而所帶兵丁又復到處
滋事毫無約束是其罪戾不可恕勒保相距較遠
難以提訊著松筠卽就近將富成革職拏問一面
嚴行審訊定擬具奏一面卽派委妥員將富成解

交刑部按律辦理以昭炯戒

同日吳熊光奏言二十三日

臣

抵西坪地方據

派駐荆子關之南陽府同知達崇阿稟稱接湖

北光化縣來信賊匪於四月十一日竄至竹山

縣之黃毛關距縣城二十餘里道路梗塞文報

不通等情同日又接鎮臣田永桐札稱差弁至

湖北鄖陽府探得賊匪張添倫等于十六日分

爲二股十七日一股在黃龍洞距白河縣三十里一股在猴子河高莊峪一帶距白河縣四十里東至江之南岸二十餘里另有一股賊匪在竹谿竹山交界之水坪等語

臣

查達崇阿來稟

係得自湖北來信所稱文報不通自非無因而田永桐差弁探報情形又在十一日之後賊匪尙在竹山一帶屯聚距江岸已近其爲意圖偷

渡更屬顯然因思鄖陽府屬之鄖縣鄖西均在
襄江北岸此時江防最關緊要想倭什布亦早
經籌及但恐文札中途阻滯該縣無所遵循聞
鄖西本駐有官兵而鄖陽向設副將諒必有存
營兵丁臣當卽飛札鄖縣鄖西兩縣會同營員
多派兵勇於襄江北岸慎重巡防蓋防江卽所
以防城不可拘泥看守城池轉置險要於不顧

并令將河干大小船隻木筏竹牌等項盡行提
泊北岸俾免搶渡仍飭將作何辦理緣由稟

臣

奏報再聞襄江有漁船一項藏匿小港漁戶等
貪圖小利最易舞弊恐賊匪假扮難民雇覓私
渡亦已嚴札鄖陽襄陽二府及鄖縣鄖西二縣
併南陽府屬一體慎密稽查以杜弊混惟是襄
江發源陝省下達漢陽環繞豫省之東南綿亘

八百餘里雖不能存在安兵亦當擇要分段駐
守現在豫省西北一帶兵丁因陝省張漢潮一
股尙未撲滅未能抽撥祇于荊子關等處湊集
兵丁千餘名移交田永桐帶赴襄江北岸并札
飭南陽府等調集鄉勇帶往協防設有緊急分
段防堵實屬不敷分撥臣再四思維與其戒備
於臨時不如綢繆于先事除現將前此撤回省

城之滿兵三百名仍行調用外所有前請直隸挑備戰兵該處離南陽二千餘里行走亦需時

日臣卽飛咨胡季堂並正定鎮臣札勒杭阿卽

速挑一千二百名飭令領兵將弁帶領起程速赴南陽府一帶聽候調遣合之省城滿兵共足一千五百名之數加以鄉勇庶可備擇要防堵之用且現據陝西按察使台斐音稟稱張映祥

一股賊匪又擾及纒州業請將山東官兵改赴
鳳翔一帶堵剿則陝省之兵力不敷亦可想見
而楚省又有賊匪闖入是直隸兵丁到來如豫
省可以無需或就近令赴陝楚協剿亦不至徒
滋勞費再查浙川縣屬之荊子關西通商雒南
接鄖陽係屬扼要隘口田永桐帶兵前往沿江
一帶巡防該處祇有都司二員不足以資經理

臣

卽起程前赴荊子關巡查布置並就近可與

田永桐商辦一切奏入

上命軍機大臣傳諭吳熊光曰楚省賊匪竄至竹山
竹谿地方梗阻道路文報寔爲可恨吳熊光以賊
匪意在偷渡豫省西北一帶兵力較單據奏將前
請直隸挑備戰兵一千二百名飛咨派往聽調如
豫省可以無需或就近令赴陝楚協剿等語賊匪

意圖偷渡固應實力嚴防果能急速成功所有勞費亦屬出於不得已但現在賊蹤距豫甚遠且有襄江阻隔祇須擇要防守足資堵禦而該撫自到豫後請將楚北留防禦兵仍行調回已屬張皇今又將直隸兵一千二百名飛行咨調就事而論豫省堵剿情形遠不若楚陝之緊要乃似此紛紛檄調轉似賊匪又擾及豫境者有駭觀聽所辦殊欠

鎮靜今直隸兵丁業經該撫咨調自己卽日到豫
吳熊光務須確探賊情如豫省已可無需此項兵
力不可以有用之兵置之空閒地方專爲防江起
見虛糜糧餉卽當令其連赴陝省以資協剿又鄖
縣鄖西等處皆係湖北所轄而吳熊光以河南巡
撫輒嚴札該二縣在襄江北岸愼密巡防未免侵
越殊覺多事且該地方官或已奉本省總督司有

派委則接到該撫札後轉致無所適從矣朕節經諭令陝楚督撫各嚴本境之防卽屬盡職毋須越境邀功想吳熊光尙未知之今接奉此旨惟當固守疆域督率防範毋使賊匪闖入固不可懈忽從事亦不必有意見長過猶不及也